

宋十五家詩選

宋十五家詩選

東海 陳 訐 輯

王十朋

字龜齡溫州樂清人少穎悟長有文行聚徒  
梅溪紹興末高宗親策士擢第一授紹興府  
簽判召爲秘書郎兼建王府小學教授除著  
作郎遷大宗正丞丞請祠歸孝宗受禪起知  
嚴州拜司封郎中累遷國子司業除起居舍  
人陞侍講起居郎改除吏部侍郎力辭出知  
饒州移知夔州湖州請祠起知泉州除太子  
詹事以龍圖閣學士致仕卒詩有梅溪集  
朱文公云公平居無所嗜好顧喜爲  
詩渾厚質直懇惻條暢如其爲人  
梅溪晚始登第一生肆力稽古詩章蘊藉淡  
厚集中詩推尊昌黎不置可知本領所自來  
矣

宣和乙巳冬大雪次表叔賈元實韻

天工昨夜屑瓊華三尺溪溪曉更加柳不待春先起絮梅

非罟笛自飛花牧羊大窖人何在駐馬藍關路更賒安得  
晴天開萬里行人愁思渺無涯

題湖邊莊

十里青山蔭碧湖湖邊風物画難如夕陽茅舍客沽酒明  
月小橋人釣魚舊卜艸莊臨水竹來尋野叟問耕鋤他年  
待掛衣冠後乘興扁舟取次居

寄孫永之

名龜年  
沂州人

詠歌沂水舞雩風氣歷當時冠與童人似賈生年更少家  
傳孫綽賦尤工孤羆傲兀溪叢裏一鷗軒昂衆鳥中早取  
功名寄衣鉢古來相種出山東

寄毛虞卿

名公弼後改名宏  
字叔度登乙丑第

文會今年喜重尋，葭姿玉質又同林。弟兄並秀如君少，朋  
友相知獨我深。一別幾勞終夜夢，相逢更話百年心。長卿  
賦有凌雲氣，却笑區區蚓竅吟。

虞卿工賦，常笑予作詩而不事舉業。

次韻虞卿贈別

喜君直諒更多聞，共惜光陰寸與分。螢照夜牕纔煖席，蟬  
吟秋樹又離羣。尊前忍聽陽關曲，江上愁看日暮雲。別後  
誰能慰牢落，錦囊長帶故人文。

次韻曾監務早梅

羣芳避路放梅開，犇走遊人踏砌苔。半樹溪邊衝雪破，一  
枝頭上帶春回。月移瘦影供吟興，風薦幽香襲酒杯。剛被  
西湖都道盡，至今詩客句難裁。

寄賈一節

無奈窮冬易感傷  
况添離別助淒涼  
五更殘月頻成夢  
十里青山幾斷腸  
短棹未乘晨雪去  
尺書聊遣莫鴻將  
少年勉力親燈火  
要使家聲繼洛陽

孫子尚過明慶以詩見招未及往次韻

剡溪未起子猷尋  
空對溪山恨滿襟  
孤雁遠來天杳杳  
故人相望雪深深  
思君一日成三歲  
寄我行書直萬金  
惆悵今宵一尊酒  
邀明月伴孤斟

送子尚如浙西

嗟我窮居海之角  
人物素殊鄒魯俗  
年雖及冠無交遊  
孤陋寡聞口獨學  
閉門不出長太息  
思得其人共磨琢  
孫子

在從西北來頭角軒軒真一鶚飄飄逸氣凌雲霄凜凜高  
談吐鋒鏑文辭翰墨兩奇絕世上羣兒徒碌碌我昔風期  
一相遇欣然握手論心腹衡茅三度枉車軒書劔連年共  
燈燭論交自喜得房杜言志端能效來邾長篇短韻迭磨  
唱明月清風共斟酌囊無一錢身不憂食止一簞貧自樂  
有友如君復何憾百不爲多一已足今焉捨我將何之遂  
使江鄉復蕭索南國初寒旅鴈來吳江已冷丹楓落惜君  
不忍與君別兀坐無言情更惡干戈未息行路難胡馬今  
猶飲河洛京國有家歸未得錢塘此去仍棲託會須徒步  
謁天子慨然一吐胸中畧請纓縛虜壯士志庶使平時語  
無忤相將煖律破寒梅驛筒遠寄無辭數

懷子尚

滿眼干戈行路難故人千里駐征鞍  
幾勞終日馳魂夢安得乘風挿羽翰  
水北山南春寂寂天涯海角路漫漫  
欲憑人寄新消息手把梅枝子細看

次韻李刑曹病起書懷

文園病思亂如飛禪榻逍遙謾息機  
漸喜蛛絲封藥裹未容鶴髮上簪徽  
酒能伐性聊須止碁恐勞神未敢圍  
惟有詩懷禁不得任他憔悴不勝衣

游簫峯

蠟屐穿雲去山溪喜路通  
人家烟色裏古寺水聲中  
金灘星猶在丹成竈已空  
吹簫人不見臺下想仙風

送陳商霖

相逢猶未欸作別太匆匆日落江東莫人歸冀北空音塵  
應暫隔談笑更誰同回首簫峰外明朝我亦東

用前韻贈劉全之

一聲啼鳥簷間過喚起幽人午牕卧甕頭一滴價如珠窮  
愁衮衮憑誰驅溪畔相逢盡詩客豪邁獨輸劉夢得篇章  
自有神誰何詎容元白參吟哦

有客贈酒同舍終夕盡歡復用前韻

濁醪不向牆頭過吏部方思甕間卧書齋得酒勝得珠萬  
事盡向杯中驅坐中俱是高陽客一笑相逢寧易得明朝  
酒醒奈愁何勸君莫惜同吟哦



遊西岑遇雨

西岑風物秋更嘉  
杖藜出郭歡無涯  
溪邨有酒隔烟渚  
共乘小艇穿蘆花  
羅裙綽約越溪女  
茅舍迫窄吳儂家  
牀頭新釀喜正熟  
千金倒甕傾流霞  
天公妬我一日樂  
俄然雨脚來如麻  
醉歸扶路泥沒股  
冠巾不整頭髮髻  
人生貴在適意耳  
安能局縮身如蝸  
杖頭有錢卽相覓  
明日更泛源槎

修竹

我得家傳好此君  
剩栽千挺拂毒雲  
塵埃不掃自然清  
風月有餘誰可分  
萬籟蒼龍春後見  
潘輶鳴玉夜溪聞  
晴時助我毫端興  
宜與江山共策勲

縣學別固舍

蕭瑟秋聲起桂枝登臨誰賦送將歸伴人燈火情猶在過  
眼烟雲事已非記取蠶鹽同冷落忍教襟袂遽分違明朝  
一笑江山隔望斷日邊鴻雁飛

寄潘先生

先生聚徒明慶兩歲三遷近得懽院諸生粗安迹  
先生猶無託宿之地寓榻於僧房院有一室頗佳  
主僧扁鎖以待官客因作是詩

蕭疎鬢髮老安仁才出人頭未免貧書劍一生長飢饉  
鹽到處只酸辛招提夜永眠無室絳帳春寒坐乏茵莫怪  
闕黎不具眼先生未見宰官身

次韻潘先生莫春感懷見寄

緬想長安覺夜長先生投老困文場幾吟白雪眠蕭寺誰  
薦凌雲達未央鼠目麀頭多富貴兔葵燕麥自悲傷感春  
情思如雲亂排悶題詩寄艸堂

夜雨述懷

夜深風雨撼庭芭喚起新愁似亂麻夢覺尚疑身是蝶病  
蘓方悟影非蛇澆腸竹葉頻生暈照眼銀缸自結花我在  
故鄉非逆旅不須杜宇喚歸家

咏柳

東君於此最鍾情粧點邛邛入画屏向我無言眉自展與  
人非故眼猶青紫牽別恨絲千尺斷送春光絮一亭葉底

黃鸝音更好隔溪烟雨醉時聽

毛虞卿見過

故人訪吾廬況是清和節高槐綠成陰芳艸碧未歇攜手  
山間行清興浩然發呼童具雞黍濁酒醅初潑貧居愧荒  
涼野蔌艸羅列盤實釘梅豆蔬餐薦薇蕨主禮雖甚微客  
色未嘗歛醉翁山水意不爲壺觴設解眼前新汲雀舌烹  
春澗澆君文字腸掉我清談舌人生會面難歲月易飄忽  
君姑爲我畱匆匆莫言別

宿慶善寺

剛被篙工誤遲畱一日裝川塗隔浩渺燈火亂昏黃呼僕  
回行李尋僧宿上方山前十里雪夜入夢魂香

出鴈山

三宿山中始出山  
出山心尚在山間  
浮名奪我林泉趣  
不及高僧一味閑

寄萬大年

九萬程遙共退飛  
江南竹葉後先歸  
儒冠到底輪紕袴  
關吏還應笑布衣  
雖欠姓名聯桂籍  
不妨歡笑奉親闈  
殷勤尊酒論文約  
却恨還鄉與願違

戊辰春與大年俱下第同歸至會稽子復還學追補

至秋還家

三月晦日與同舍送春於梅溪  
因誦賈闌仙詩云  
三月更當三十日  
風光別我苦吟身  
共君今夜不須睡  
未到曉鐘猶是春  
時有二十八人遂以齒序分韻

記得來時手自揆預知今日思難堪樹頭綠暗鶯如訴地上紅多蝶尚貪此夜鐘聲那忍聽明朝酒盞可能酣却因送別還驚我老境如蠶已食三

後七夕二夜同夢齡宿湖邊莊

無用乾坤一腐儒年來踪跡轉崎嶇身名未就耕桑廢何日投閑老此湖

弟兄身事各茫然賴有先人二頃田他日青山映黃髮長如今夜對牀眠

張施二生自黃巖挈舟送別於台城贈以一絕

不放離人獨解舟片帆相逐到丹丘客情鄉思從今日更有思君一段愁

望天台赤城山感而有作

神仙境界無戰爭奚用漆此巍巍城吾聞秦皇昔多慾富  
貴已極貪長生蓬萊方丈欲親到車轍馬跡無時停萬騎  
南巡適吳越天台咫尺行將登仙山不容肉眼見天爲設  
險藏神靈山中採藥使未返鮑魚已向沙丘腥秦爲防胡  
築紫塞連年不惜生靈害天亦防秦甚防胡赤城高峙烟  
霞外神仙要非求可得祖龍可笑徒勞力當時劉阮本無  
心花笑水迎山自關我向丹丘數往來羣仙杖屨未容陪  
揮毫欲續孫公賦愧無擲地金聲才目極蒼崖千萬丈世  
無仙骨那能上直須內外兩丹成駕鶴驂鸞如指掌

題劉阮祠用過仙人渡韻

澗水桃花路易迷，不同人世下成蹊。自從重入山中去，烟雨溪溪鎖舊溪。

剡溪舟中有感

又作遊吳客，重登入越船。西風桑葉岸，細雨菊花天。旅思秋偏惡，鄉心夜不眠。錢塘江上月，行見十分圓。

夜泊蕭山酒醒夢覺月色滿船感而有作

候屈星虛午夜涼，更堪停棹水中央。短篷破處漏明月，歸夢斷時思故鄉。客裏未忘詩酒趣，老來厭逐利名場。明朝又向錢塘去，十里西風桂子香。

次韻昌齡遊白石

道巖東際白石二佳境也予未之見昌齡弟比嘗



登覽作二詩以寄模寫景物之奇蓋吾家摩詰二幅山水圖也秋涼一訪之當按詩以遊不必假圖經矣因次韻見意

飛流瀆沫下烟嵐肯使名同盜與貪莫訝來時多汨汨定知止處却渾渾遙通雁蕩靈湫雨巍壓龍門巨浪三好景不煩摩詰画盡歸詩客句中含

少和丹就已登霄岩與仙風雨並高甚欲此身參鶴馭尚嫌多事類牛毛雲間鷄犬年猶永世上英雄意滿豪堪羨北山山下客不緣射雉亦如臯

貧家連歲蠶荒今年尤甚妻孥有號寒之患每欲以酒自寬酒惡竟不能醉拙於生事殊可笑也表弟萬

少年家蠶熟酒醇有足樂者因思舊詩有剩栽桑柘  
教妻蠶之句遂和以寄之

年踰四十尚何堪愈老生涯愈不諳何以代耕猶未仕初  
無可樂誤爲男號寒兒訝桑條沃飲酒賓嫌蜜汁甘堪羨  
通家萬公子細君善釀更能蠶

### 送李使

梅始花時送子歸梅黃雨細又分離不堪旅食見飛燕那  
更催歸聞子規太白讀書容有趣少卿惜別可無詩霜臺  
清峭家風在努力功名少壯時

重九日飲酒會趣堂者十九人老者與焉旣醒念不  
可以無詩因用贈林知常韻示諸友

我似楊雄貧嗜酒筆作耕犁紙爲畝辛勤耕植三十年在  
往糟醕罕濡口今年九日甕盎空誰饌先生荷諸友衰顏  
迎醉生嫩紅饒腹隨餐失饑吼菊花不上老人頭酒盡聊  
傳此時手文字飲韓嘉數子禮法拘髡惟一斗衰翁興盡  
輒先歸不待盃盤狼藉後坐客高歌驚四鄰吾鄉已在無  
何有明朝黃花亦不惡俗眼無端自疎厚酒醒聊記坐中  
人有似平原凡十九

宿浮橋

落日丹丘下西江十里西浮橋通古道逆旅傍清溪夜靜  
水聲細曉陰山色迷吾鄉在何處天遠白雲低

與鄭時敏登樓把酒書二絕

十里青山接郡城危樓四望眼  
溱明海冥天澗鄉心切更  
聽飛飛鴻雁聲

登樓能賦非王粲沽酒忘形有鄭虔  
千里相從文字飲不  
辭費盡杖頭錢

寄夢齡昌齡弟

老去生涯集百憂一身萍泛剡溪頭  
釣魚溫水同候喜旅  
食新豐類馬周長歛有時思海味  
短檠終夜照離愁也知  
四海皆兄弟能似天生羽翼不

納涼偶成

架松却煩暑梳竹來清風  
頑然七尺軀寄此微涼中  
高枕  
傲有道深杯醉無功  
山林有餘樂此興誰與同

次韻昌齡西園卽事

世態蠅營已厭驅小園初闢稱幽居  
杯深轉覺利名薄心靜更宜花木疎  
牕几吟餘山色好軒齋夢覺日華舒  
尤憐不棄東園老時復相從辨魯魚

東園小閣丹粉一新昌齡有詩次韻

小園小閣無奇新但喜有酒堪娛賓  
西疇種秫可自釀不用勤買拋青春  
月明星稀烏擇木吾愛吾廬堪寓目  
須知主父五鼎珍不似王猷數竿竹  
丈夫未遇當安貧帶經且作鋤園人  
詩酒過從老兄弟一笑可破雙眉顰  
見說西園相繼闢好將因果同栽植  
子孫清白世相傳莫同阮氏分南北

族兄文通贈山茶

野性無端喜種花  
吾兄得得贈山茶  
鴛聲老後移雖晚  
四月  
始栽鶴頂丹時看  
始嘉雨葉鱗鱗成  
小蓋春枝艷艷首  
群葩  
自慙欲報無瓊玖  
來往同看本一家

明慶懺院上方地  
爽而幽蓋精藍之  
勝也予因會友  
託迹於其間一日  
揆囊中得石刻詩  
一本乃王瞻叔  
國博先生題台人  
秀野堂也摹寫景  
物頗類於此因  
置之壁間意有感  
觸遂借其韻  
二月二十五日

下帷精舍遠塵繁  
境靜心清事不關  
案上忘機有黃卷  
眼中得趣見青山  
林泉欲共高僧老  
事業未容吾輩閑  
準擬  
他年挂冠後飄然  
杖履白雲間

元鳥至

昆蟲方啟戶元鳥亦知辰  
去自盲風候來逢化日春  
溪條烟雨溼廣厦羽毛新  
故壘尋遺迹雕梁拂舊塵  
早鶯宜結友秋雁不同賓  
嘉爾能知義無忘舊主人

酴醾次賈元節韻

春山杜宇喚人歸  
歸見酴醾滿架垂  
葉底半開千顆白  
簷邊斜插一枝奇  
園林綠樹成陰後  
亭院青春欲老時  
把酒對花歌數闋  
湍毫更和鹿岩詩

月上人以拳石植海松  
蒔菖陽於四際  
蒼姿秀色鍾清氣  
於几案間以爲梅溪野人之贈  
兼惠詩章因與酬唱二首

蒼蒼千尺大夫松不似湖嵌植小龍枕水一拳形翠律凌  
雲三幹色危茸玉衡星化姿兼茂蓮社詩高席可重乞與  
書牕端不惡蕭然如對德人容

處士何須種七松賸栽海上綠韓龍根頻灌蒼如玉黛  
葉初抽軟似茸蘸水小山形鑿鑿引年昌歆節重重道人  
分得歲寒種一洗梅溪憔悴容

率飲亭

吾門非北海安得客滿坐有亭名率飲鄰里日相過  
老去識交情興來懷酒伴山林車馬稀風月壺觴滿

和韓秋懷

丁卯季夏赴省試臨安至明年暮春側翅東歸既



至會稽復還太學時方首夏艸木敷榮良苗懷新  
游目原陸與物助欣至閏八月告歸復尋故道雲  
水已空園林初落悽然感觸不能自已是月十有  
七日言息其廬定息之暇親戚鄉里日相過從有  
詩酒之樂惓然無復得失之在懷也清夜兀坐短  
檠自照誦韓退之秋懷詩十有一章欣若有悟因  
追其韻太山北斗我實慕之白雪陽春和以巴詞  
云

孟夏游會稽禾稼方疑疑南風翼新苗生意殊未已重來  
覺非久相去百日耳黃雲萬頃空蘋末涼風起園林亦搖  
落觸目成疑似似人生過隙駒朱顏何足恃胡爲向迷塗奔

走不停軌得失無榮辱歸來實堪喜

直道疾伊優壯懷增靡曼海上豕方牧夜中牛屢飯半生  
營一名偃蹇未如願青銅忽自照白髮已堪嘆斥鴳適蓬  
蒿大鵬搏九萬物情貴得所奚用求自獻富貴似可喜貧  
賤亦何怨

秋雨浸成潦秋霜漸爲凌老樹暗寒蟬腥盤集癡蠅天涯  
有歸客而目吁可憎吟餘自捫腹肝膽空稜稜臨淵不善  
漁籬頭掛寒罾數椽茅屋下養此百不能

牕几生新涼燈火照初暗省已有昨非揆懷無宿憾古書  
恣掀翻古意薄窺瞰心將遊寂寞語復攻若淡實歎名忌  
浮才疎得懲監守志懼不堅入道恐成暫性柳戎戕賊心

猿思繫纜有友頻琢磨無官自校勘澹然學楊雄不恨饒  
無甌

吾廬有修竹滴翠疑不乾天風一吹拂終夜鳴琅玕黃楊  
亦嘉樹一甕何團團日暮飛禽歸啾然欲求安嗟予欲何  
爲屢涉吳江瀾一名竟未就舉彈空飛丸對竹賞佳樹聊  
繫予征鞍

和韓桃源圖

世有圖西桃源者皆以爲仙也故退之桃源圖詩  
詆其說爲妄及觀陶淵明所作桃花源誌乃謂先  
世避秦至此則知漁人所遇乃其子孫非始入山  
者能長生不死與劉阮天台之事異焉東坡和陶

詩嘗序而辨之矣故予按陶誌以和韓詩聊證世俗之謬云

嬴秦斬新開混茫倣睨前古無虞唐詩書爲灰儒鬼哭季斯秉筆中書堂長城丁壯無還者送徒更往驪山下避世高人何所之出門永與家鄉辭入山惟恐不深遠豈是得已巢於斯來時六合爲秦室未省今爲何歲日更不到門租不輸子長丁添更何卹春入山中桃自花招邀隱侶傾流霞男耕女織自婚嫁派別支分都幾家誰泛漁舟迷處所山開洞闢聞人語乍相驚問卒相歡設酒烹鷄講賓主可憐秦事已茫然帝業初期萬萬年猶道祖龍長在世豈知異姓早三傳鄰里殷勤爭餉饋本情與世無相異朱信

壺中別有天却訝身遊爲夢寐山花亂眼鳥哀鳴數日流  
連喜復驚更從洞口尋鄉路逢人欲話疑非情異日扁舟  
欲重顧水眩山迷紅日暮後來圖画了非真作誌淵明乃  
晉人

入日過霓山隨行有昌黎集因讀城南登高詩遂次  
韻留別孫先覺

臘去梅已稀陽浮柳初弄北斗新轉梢東風漸消凍爲人  
節固佳顧我身無用命駕訪親交肩輿勞僕從門關念久  
別燈燭欣此共興來酒自斟歡至歌頻送提壺勸銜杯攜  
榼催除藟農耕方迫歸行樂未能縱人生苦離別俗狀嗟  
倥傯春風桃李花把盞何時重

次韻劉長方司戶見寄

楓宸昔羨君登第，蓮幕今慙我効官。  
相見可嗟頭并白，老來自合量俱寬。  
不嫌此日成名晚，最喜平時取友端。  
待報君恩知死所，却同神武掛衣冠。

吳秀才克家以壽樂蓮洲中千葉梅花爲贈，酬以詩。  
東君次第染羣芳，更與南枝別樣裝。  
水漲春洲浮鴨綠，日烘花臉帶鵝黃。  
雪中瓊蘂不多瓣，酒後玉肌無此香。  
謂紅梅也玉潤冰清總佳士，驛筒相繼贈春光。  
吳君乃楊簽判壻

送昌齡弟還鄉兼簡夢齡

束書千里赴王畿，戰藝賢關事偶違。  
鑑水天高鴻雁集，左原山遠鵲鳩歸。  
夜牀風雨客情惡，春艸池塘詩思飛。  
勉力

還家對燈火待看雙桂擢秋闈

二弟赴補偶道昌齡還鄉夢齡畱越

夢齡九日有詩兼懷昌齡次韻

長記去年今日好門外清香噴沉腦弟兄鄉里同登高把  
菊行觴樂非少山穀海錯鄉味佳銀瓶索酒不用賒醉中  
不記脫巾卧明日頭上猶黃花今年豈不欲行樂竊祿東  
州官事束那堪送酒無白衣旋糶黃糧買桑落何如與子  
俱休休誰能長抱離鄉憂移書問訊惠連第三徑許我歸  
來不

前此有歸興昌齡以爲不可數以書來相勉故及之

送朱丞

一片秋懷似亂雲不堪行客話離羣紅蓮綠水尚畱我鉅  
竹老槐深憶君千里從今遙共月一樽何日更論文好將

平昔家傳學勉力登高立世動

朱故丞相之子

### 次梁尉韻

揆春聯騎入山城更喜梅仙亦會盟

梁後至

文字偶同吾輩

飲聖賢滿爲使君傾

安撫尚書以僚屬游山送酒大十樽諸公自山中回晚集於教授廳爲文

字詩逢好境天然好山爲清流分外清滿酒宗之年最少

我慚叨預八仙名

梁最年少

### 次韻梁尉秦碑古風

會稽秦頌德碑丞相李斯篆世傳在秦望山莫知

所在教授莫君好奇嗜古搜訪尤力有言碑在何

山者莫以語某何山見於圖經在秦望東南疑其

真秦望也某欣然欲往職有所拘以告會稽尉梁



君梁慨然而行登山果見之碑石僅存字磨滅已  
盡墨片紙而還作古風長韻具見始末因次其韻  
且記吾三人好事之癖亦以示後人也

姬嬴遺迹存者希世傳石鼓稽山碑石鼓掄揚得韓子文  
與二雅爭驅馳秦碑夸大頌功德埋沒艸莽無人知或言  
山頂石猶在上有虎豹龍蛇螭神藏鬼護荆棘蔽崖懸磴

絕登無岐廣文好奇穴揆禹梅仙喜事僧尋支

支遁昔遊越中好山

水梁仙宿雲門訪古迹於僧

我贊其行要親覩勿受世俗流傳欺望秦

秦望兩靳截何山壁立東南涯豐碑屹植最高處不知磨  
滅從何時剔苔掃墨了無有模糊片紙亦足奇濃雲霏霽  
黯將雨古木槎牙蟠老枝歸來走筆出險語訶政叱斯同

小兒詩成得得寫寄我詞嚴意偉法退之我聞秦人滅六  
國酷若犬彘臨江虞先王法爲秦所負負秦況有秦有司  
五經灰飛儒濺血堯舜周孔何能爲上蔡獵師妙小篆奴  
視俗體徒肥皮東封太山南入越大書深刻光陸離沙丘  
風腥人事變鬼饑族赤誰嗟咨漢興萬事一掃去惟有篆  
刻餘刑儀磨崖欲作不朽計其如曆數不及期軍尤五兵  
紂漆器人物美惡寧相疵我雖過秦愛遺画南山入望頗  
支頤不須嶧陽訪棗刻不用廷史觀雄辭虛堂默坐對此  
紙閉眼暗想君勿嗤要知秦碑沒字本却類周雅無辭詩

中秋宴蓬萊閣和趙仲永撫幹二首

水輪飛出暮雲端更向蓬萊頂上看端似虹橋翫金餅絕

勝拳屋見銀盤光浮酒面杯尤滑清入詩腸句不寒又與  
鑑湖添勝事一時賓主盡鴛鴦

千巖競秀越王州地勝錢塘與虎丘龍卧半天頭吐月鑑  
湖千里影涵樓宴開秋色平分際人在蓬壺最上頭不負  
良天更輸我此中此夜兩年游

去歲中秋與同僚賞月蓬萊閣今復與府會舊游諸

公皆不在焉

再和

崢嶸高閣聳雲端萬壑千巖坐上看八百里湖寒鑑瑩二  
千年國卧龍盤金風吹面掃殘暑明月入懷生嫩寒見說  
神仙正相偶醉中端欲駕仙鸞

家在東嘉山水州玉簫丹竈古仙丘兩年秋月登蓬閣千

里鄉心繞謝樓作賦端同北牕裏思歸長詠大刀頭與君  
何日脫塵鞅杖履逍遙物外游

九日與同官遊戒珠寺用去年韻

九日重登古戢山勞生又得片時閑菊花今歲殊不惡蓬  
鬢去年猶未斑藍水楚山詩興裏鑑湖秦望酒杯間醉中  
同訪右軍迹題扇橋邊踏月還

李德遠寺簿敢言勇退今之古人也東嘉王某賦詩  
以高其行

吳山蒼蒼烟靄橫皇都日日春風生利途捷徑走輪轂古  
道荊棘惟君行吳江洪濤拍天洶萬楫千帆日相踵六鼉  
入釣猶不歸急流勇退惟君勇斜川勝事今臨川錦袍風

月追謫仙芋魁豆飯我亦有脫屣有愧君翻然我輩情鍾  
惜離索爲國惜賢情更惡江頭送別春尚寒回首冥鴻已  
寥廓

次韻程泰之酴醾

青春果作堂堂去啼鳥喚春春不住明珠萬顆玉爲錢欲  
買風光嗟已暮蓬山地冷花木稀祇有寒梅已先雨誰遣  
虬枝上高架稍覺雲陰覆行路雨餘景物猶未佳藥底精  
神不多露鼻觀疑聞班馬香姿比何郎更風度平生惜春  
如惜別老眼待花如待哺幽亭相對止三人艸艸杯盤爲  
花具

時同舍考試惟奉  
之員仲某在館

送曹夢良赴桐廬戶掾

需次家鄉五載遲便便腹笥愈添圍才如子建豈論斗性  
類西門能佩韋車馬戒塗君欲去田園迷徑我初歸男兒  
所尚惟名節莫墮人間富貴機

洪丞不負軒

坐此軒無愧問君何以能所行皆是學不負豈惟丞鳧鵝  
文書靜槐松詩思凝博陵徒種績踐履亦何曾

家食遇歉有飯不足之憂妻孥相勉以固窮因錄其  
語

淵明事高尚瓶中缺儲粟魯公凜名節乞米給饘粥廣文  
富才名官冷飯不足少陵老風騷橡栗拾山谷嗟予何爲  
者處世真碌碌謀生一何拙甌石無儲蓄三年兩去國囊

桑磬水陸還家索租苗不了臘與伏前秋遭颶風摧折數  
間屋今年丁大稔破甑塵可掬絕糧瘦百指告糴走羣僕  
鄉隣苟不抹定恐填溝瀆家藏千卷書父子忍饑讀一字  
不堪煮何以充我腹細君笑謂我子命難食肉去歲官臺  
省僥倖食君祿有口不三緘月奏知幾牘聖主儻不容寧  
免遠竄逐歸來固已幸富貴非爾福東臯二頃田得雨尚  
可穀子耕我當耘固窮待秋熟

七月三日至鄱陽

我來鄱君山水州山水入眼常遲留絕境遙通雲錦洞

安仁

縣有絕境

清音下瞰琵琶洲

餘干縣有清音堂琵琶洲

于越亭前晚風

起湖入鄱陽三百里曉來一雨洗新秋身在江東畫圖裏

題薦福寺莫莫堂

休休有室歸宜早莫莫名堂去恨遲  
禪老相逢應笑我休休莫莫定何時

家有休休室

郡齋對雪

平生爲雪牽詩興今夕無詩奈雪何  
淨几翻書擁爐讀冷齋呵硯帶冰磨  
寒江獨釣句思柳銀海光搖人憶坡欲兩  
三杯賀豐歲却憂疆場正干戈

閏月三白二首

閏月生明後

初四日雪作

江天未臘時風翻禹門浪花糝月宮

枝

桂花一秋三放

照夜皎珠樹秀庭祥玉芝定知年大有何止麥

相宜



占盡一陽月分爲六出時

自初四日雪初八日又雪二十五日又雪韋編照清

夜塞管落南枝獻中荆山玉開成廟柱芝

杜詩瑞芝產廟柱注云肅宗時

廟柱產人間瑞已足過此却非宜

### 臘盡日又雪洪復作五白詩再和

天地俱同數嘉平欲盡時柳飄彭澤絮松壓大夫棧越絕

山飛洩

越有瀑布名五洩

文登石產枝

登州海上五島皆生石芝

濫騎爲郡馬

溪願穀相宜

雪爲五谷之精

日掩雲間色

李嶠詩雲間五色滿

榆栽天上株芳聯仙桂籍窮送舊

桃符遠岫明廬阜澄江接帶湖宣麻開晉國入蔡憶金吾

裴晉公五拜相金吾謂李祐也

### 送翁東叟教授

三十年間舊友生  
眼青頭白見交情  
官於湖北况尤冷  
詩不江西語自清  
行李少留吳芮國  
夢魂先到謝公城  
扁舟便合相隨去  
薄有田園正可耕

齒落

五十行將四浮生  
已向殘齒疎方咄  
柳牙落遽驚韓猶訝  
年初亂翻疑頰未丹  
定知從此去梨栗怯堆盤

子應贈蜀中石刻十卷詩以謝之

金華石刻滿西州  
不惜明珠輒開投  
詩泣鬼神追雅頌  
義溪君父妙春秋  
公有荅春秋書溪取左氏義溪君父  
隨身連軫崔評事  
插架

懸籤李鄴侯  
掃室焚香讀終卷  
光芒萬丈照螺洲

郡圃栽花

公餘吏隱不相賒杖履園林賞物華五柳宅邊誰種柳百

花樓畔設栽花

郡圃有百花樓

池塘有夢吟春艸

永嘉有夢艸堂

屏障無

心戀綺霞

綺霞亭

來歲遊人應話我雁山溪處老桑麻

二月朔日同嘉叟蘊之訪景廬別墅用郡圃栽花韻

卽席倡和

鄱水芝山四望賒雨餘風物倍光華名園種果仍修果妙  
手栽花似判花行見晉公開綠野聊從子美酌流霞坐間  
賓主皆人傑我質如蓬賴倚麻

次韻何憲修途倦游懷鄱陽倡和之樂

馬上詩成驛使馳社中猶恨使來遲不堪冀北羣空後况  
是江東日暮時春半鶯猶懶呼喚雨多鳩亦厭分離論文

尊酒何時共公說歸期我去期

次韻何憲題魯池州通隱堂

朝市隱誠好山林通更嘉出非專爲米去亦不期瓜下惠

何妨介東方未用夸

東方朔朝隱者也退之作池州知此朔遺事詩狄恩便矜夸

道無愧仲連家

郡齋舊有假山暇日命工葺之取石之嵌者絳置山頂汲水筩竹引而激之自頂而下有懸崖飛瀑之狀予旣以瀟灑名齋因鐫二字於石戲成古風

山從何來石無根水從何有山無源忽然幻出如自然羣峯萃裨聲潺湲石工貌愚性機巧兩手頃刻成陶甄坐移野景到城郭解使平地生林泉香爐瀑布名天下雁蕩龍

湫更瀟洒名山不見典刑有得趣何須論真假君不見晉  
公元勳兼盛德綠野堂前羅澗石又不見行行正直韓退  
之汲井埋盆成小池二公胸中有佳致澗石盆池聊自戲  
世間萬事皆戲耳何止茲山與茲水

和叔奇見寄

荔子黃甘豈不香

二物夔府所出

路經九折歎王陽羨君松竹吟

哦處橘在懷中母在堂

聞詩聞禮不赴秋試以七月二十五日離太學八月  
二十六日至興國軍喜其來也因作是詩

不將蝸角與人爭走侍雙親蜀道行免爲家書髮子美飽  
聞情話悅困明一名所得知多少萬事真宜審重輕更願

相隨早歸去田園薄有要同耕

### 宿大冶縣

隔岸呼舟子湖山日欲曛人家數點火風物一川雲小渡  
漁人占中流縣界分秋溪山驛冷蕭瑟夜溪聞

### 過三义

在玉沙縣界

派別從金口江行過玉沙風灣迂八疊烟渚會三义柳老  
餘春色尊空負月華端如退之語江遠共蒹葭

### 天晴風順舟行過石首縣宿劉郎狀

殘月照荆江晨曦浴暘谷雲收瘦山腰風順飽帆腹微茫  
見石首俄頃過吾目方茲驚洶湧何敢求迅速快意固可  
喜遲鈍或爲福風乎亦難矣去順來者譏江神豈世情吾

亦不私祝

初九日離荆南用夔州船

扁舟經月沂江流又向江陵換蜀舟腸斷一聲離岸櫓不堪回首仲宣樓

爾雅臺

隱迹江山郭景純

郡南有郭道乃景純學道處

山學兼儒伎術通神蟲魚

艸木歸箋註何害其爲磊落人

至歸州宿報恩寺

終夜江聲枕上喧子規未噉已銷魂身乘筆路思熊繹詞誦離騷弔屈原城邑舊爲夔子國民人多是楚王孫誤恩分閭方圖報宿處那堪是報恩

送參議何郎中

扁舟西泝蜀江長邂逅論交得老蒼  
幕客可能淹杜甫郎官誰復識馮唐  
梅花開日方聯事柳絮飛時遽趣裝  
我過洞庭應有日定須來掃蓋公堂

卧龍山有武侯新祠

山藏古寺柏青青地重端因蜀相登  
沙上不聞江轉石人間幾見谷爲陵  
龍蛇樹影搖千尺玉屑花枝吐萬層  
堪歎艸廬誰復顧斐然香火却依僧

同行可元章報恩寺行香登佛牙樓望勝已山

籃輿拂曉出東關鐘磬聲聞杳靄間  
心欲報恩頻入院人逢勝已更觀山  
竹香細細禪房靜江水渾渾野渡閑  
欲問



漁人國興廢黃鸝隔葉語絲蠻

夜與韶美飲酒瑞白堂秉燭觀跳珠分韻得跳字

五月峽中天氣歆竹筍引水那能澆江濱龍老卧未起崖  
石不枯珠自跳艸艸杯盤對君酌燈前疑是簷花落毫端  
寫出萬斛珠共向炎天作冰雹妃子名園荔子丹絳囊初  
摘堆金盤細擘輕紅唱君曲咀嚼水晶牙頰寒老翁真個  
如年少激水成珠堪一笑劉侯自有胸中珠不止照入兼  
自照

韶美歸舟過夔留半月語離作惡詩以送之

弱羽年來正倦飛夔門邂逅故人歸人生一笑難開口世  
事多端合掩扉况是桑榆俱暮景何曾富貴已危機明朝

悵望仙舟遠百尺高樓上靜暉

州宅有靜暉樓此篇用韶美送元章韻

元章至雲安用送韶美韻見寄次韻以訓

社燕秋鴻不共飛却因送別更懷歸一壺獨酌人何處千里相思月滿扉烟雨已催子把釣功名行看子投機雲安雙鯉傳書至詩句清含山水暉

中秋對月用昌黎贈張功曹韻呈同官

水精爲鑑金爲波挂空影寫山與河

韓詩河韻在河前

清光此夜十

分好有酒有客宜高歌去年今日行役苦浪叟溪邊宿逢

雨

去歲中秋宿瑞昌驛凡次山舊隱處

傳聞蜀道如天高崖懸壁絕哀猿號

波橫劒戟不易上陸有虎豹何由逃江山舊恃白帝險風俗猶帶烏蠻臊驅馳兩月到西塞夢寐萬里還東臯嗅梅

踏雪巴子里路入鬼門欣不死飛飛倦鳥惟思還玉筍豈  
是簷官班餘生但願閑及酒虛名寧顧觸與蠻良宵佳客  
十有五雲放月入尊壘間頽然老子興不淺韓詩坡句聊  
追攀君不見天寶霓裳羽衣歌人間樂舞難同科遺音猶  
在悲涼多舞霓裳隊有酒且飲遑恤他不飲如此良夜何

九日登卧龍山呈同官

老逢佳節強躋攀興遶東籬愧未還與客攜壺登縹緲尋  
僧對榻卧幽閑白鹽照日一峯古烏帽吹風雙鬢斑坐上  
無非孟嘉輩卧龍山却勝龍山

東屯

少陵別業古東屯一飯遺忠剛畝存我輩月叨官九斗須

知粒粒是君恩

東屯歲輸稅米不滿百石監司郡守月得九斗

梁彭州歸自道山沂流入峽以詩見寄因次其韻

壯夫白首兩同年又繼錢塘倡和篇十載音書天上雁一  
江風雪峽中船西州賢守得高適東觀人才推孟堅紫陌  
曾陪揆花馬姓名溪薌在盧前

聞普州趙果州舟中倡和以巨軸見寄

燈結寒花鵲有聲書傳雙鯉眼增明人言盡是青雲士天  
遣相逢白帝城富貴有機端可畏山川非險莫辭行定知  
蜀道從今易東普南充蓋已傾

同寮和詩復用前韻

掃地焚香待客來煎茶淪茗漉官醅相公溪近何曾汲

灌東

有相公溪以丁謂  
得名木可煎茶

白帝城寒正可杯江上詩成風葉落閣

中興動雪梅開嘉賓飲散鈴齋靜月照虛牕有影陪

子紹至雲安復和前詩見寄訓以二首

細閱皇朝進士科第三人最得賢多

滕達道陳了翁張才叔潘子賤諸公是也

然皆艱難勞苦而後有立

不勞則餓天將任或起而僵帝欲噉館閣早

推仁者勇廟堂終作國之嶠也知有意東山卧其奈蒼生

望子何

梁臨別指瞿唐關有懶出此門之語

不比求游占一科無施不可患才多手持江海一麾去夢

與神仙七字噉客裏有書情愈重別來多病鬢添皤郡齋

獨坐歲華暮眼見官梅淡憶何

讀東坡詩

學江西詩者謂蘇不如黃又言韓歐二公詩乃押韻文耳予雖不曉詩不敢以其說爲然因讀坡詩感而有作

東坡文章妙天下日月爭光薄風雅誰分宗派故謗傷蚍蜉撼樹不自量堂堂天人歐陽子引鞭遜避門下士天昌斯文大才出先生弟子俱第一天人詩如李謫仙此論最公誰不然詞無艱淡非淺近章成韻盡意不盡味長何止飛鳥驚臆說紛紛幾元稹有言歐公詩味短者王介甫云行人舉頭飛鳥驚之句味亦甚長渾然天成無斧鑿二百來年無此作誰與爭先惟大蘇謫仙退之非過呼胸中萬卷古今有筆下一點塵埃無武庫森然富摘挾利鈍一從人點檢莫年海上詩更高和陶

之詩又過陶地闢天開含萬彙少陵相逢亦應避北斗以  
南能幾人大江之西有異議日光玉潔一退之亦言能文  
不能詩碑淮頌聖十琴操生民清廟離騷詞春容大篇騁  
豪怪韻到窘束尤瑰奇韓子於詩蓋餘事詩至韓子將何  
譏文章定價如金玉口爲輕重專門學向來學者尊西崑  
詩無老杜文無韓淨掃書齋拂塵几瓣香敬爲三夫子  
甘露堂前有杏花一株在修竹之外殊有風味用昌

黎韻

桃李未吐梅英空杏花嫣然作小紅孤城絕塞也不惡一  
株綽有仙家風高枝半出修竹外醉臉畧與江梅同夔州  
花木不多有封植嘉樹知誰功春光忽到刺史宅天氣正

在中和中不同浪藥落瘴霧自有甘露滋芳叢我來歲律  
驚兩換歸興遙指吳江楓曲江往事何足夢願爲老圃安  
吾窮明年花開我何處小園數畝簫臺東蒼蒼烟雨記巫  
峽酣酣詩句吟梅翁

梅聖俞詩杏花  
酣酣春正明

郡圃無海棠買數根植之

少陵詩史有遺闕海棠名花輒湮沒孤芳千載逢蘇仙竹

籬一笑嫣然發我從蜀錦亭邊來

范文正公守鄱陽種海  
棠於郡圃名亭曰蜀錦

遙入蒼蒼烟雨窟綺霞曉抹神女肌香醪春醉明妃骨鮮

鮮絲藥垂更弱點點燕脂勻未歇半含欲吐不勝情沐露

梳風睡明月爲開樽酒苦多病欲插一枝羞白髮照眼千

株未觀蜀圃首十年淡憶越

在在會稽訪諸  
名園海棠最盛

何人好事持



名友姚魏不容矜閥閱

曾端伯十花詞目海棠日名友牡丹不與

凝香有地胡

不植負郭無園何處謁不煩飛鵲銜子來自買芳根帶花  
掘明年高堂來燕子想見繁紅映林樾栽花老守在何許  
雁蕩山中採薇蕨憑誰爲問花消息有夢遙驚山突兀自  
慙不是召伯棠那得詩人歌勿伐

### 別同官

兩年竊祿古夔州邂逅諸君亦宦遊爲郡不才真下下同  
僚多助却優優及瓜便合扁舟去行李聊爲一飯畱慘別  
相期可無語君親恩重各宜酬

### 舟遇逆風破浪賦詩

風撼楚江水雲橫鄂渚天支願看山色破浪出詩篇門掩

潁江舍此揚上水船江神不借便歸興自飄然

至九江陪林守黃中登庾樓出示舊詩

萬里相望牛馬風茲樓邂逅一尊同烟生燕寢香爐上龜  
在賓筵食指中

樓之北岸有龜殼洲

舟入滄波詠蘋白飲陪文字勝

裙紅飛黃騰蹋日邊去回首羣驚冀北空

黃中赴召

過彭澤

萬里歸舟巨浪間只將青眼對青山青山好處惟彭澤出  
岫雲歸倦鳥還

趙富文和望齊山九華詩次韻

四上詞章郡得湖真同起廢甃浮圖路經秋浦人如玉洞  
入齊山天在壺人物宜居國士遠吏民聊作使君呼還鄉

說與賈君子官比廣昌風更孤

賈君元範永嘉賢者與富文同官廣昌海稱其爲人

過宛陵陪汪樞密登雙溪閣疊嶂樓游高齋望敬亭

山誦謝元暉李太白詩用樞公游齊山韻

天將大任未容閑清峭依然御史顏謝客能吟練江句謫  
仙不厭敬亭山雙溪風月壺觴裏疊嶂烟霞几案間天下  
蒼生望公起歸轅行見郡人攀

仲冬釋奠於學同諸公登稽古閣觀弁山望太湖閱  
壁上題名誦范文正公吳興先生富道德誅誅弟子  
皆賢才之句

吳興學校規模壯安定先生道德崇  
蒼雪溪同洙泗水汀洲蘋有藻芹風山知尊道猶端弁湖欲依光故近宮壁上

題名觀尚友諸儒事業聖賢中

泊桐廬分水港

何處繫歸舟桐廬舊日遊港從分水出亭瞰合江流

合江亭

疊嶂雲披絮遙天月吐鉤紛紛釣魚者無復見羊裘

贈沈敦謨

三十年前覩席同懷人長在夢魂中徒勞州縣知何補高  
躋丘園不是窮歷問舊遊都是鬼偶餘我輩亦衰翁相逢  
又却匆匆別無復從容似泮宮

至福唐會鄉人丁鎮叔張器先甄雲卿項用中趙知  
錄薛主簿同年孫彥忠艸酌試院

六同年友七鄉人勸酒那容耳不聞尚齒自驚多白髮論

文堪笑有紅裙

權師吳憲遣官妓來侑尊

詩篇共約題孤嶼游宦猶疑

在五雲

彥忠會稽人予昔仕越與彥忠游

此會此時寧易得明朝風月兩

州分

過蔡端明故居

懷章南過蔡公鄉  
駐馬遙瞻數仞牆  
丹荔株株經品藻  
喬松葉葉惠清涼  
四賢詩出人增氣  
三諫章成國有光  
真是濟川三昧手  
清源遊戲作虹梁

次韻知宗賀雨

雲飛初類愈隨郊  
珠忽跳空室舞蛟  
但願農多大田稼  
不愁風捲少陵茅  
是夕大風  
才疎政事由來拙  
天遠精誠未易交  
三日禱祈纔一雨  
自知無處避謳嘲

病中食火山荔支

前年夔州食荔支同僚共賦輕紅詩妃子名園世所貴不  
似詩史堂前奇去冬分符入南土半月身行荔支圃三州  
嘉木皆眼見更聞君謨向來譜臨漳一種名火山品雖云  
下熟則先從今漸入荔佳境陳江未擘先流涎老病餘生  
怯嘉果日啗那能三百顆慙慙爲破絳紗囊心火驚添火  
山火

愛松堂

炎炎畏日愛濃陰穆穆清風愛好音不獨愛松兼愛竹此

君亦有歲寒心

松之西  
有竹

知宗提舶卽席贈詩用元韻以酬并簡通判

子政堂堂漢列仙清標况對馬文淵

代川字

催詩風送千山

雨把酒涼生五月天老子濫分南郡竹貳車行擊故家鮮

通判將美解

誤蒙好語相提拂豈有功名上簡編

提舶攜具過雲榭知宗出示和章復前韻

不須蠟屐上林端高處登臨眼自寬擺種風翻梅裏白

最

早者農家目爲梅裏白

離支日照鶴頭丹山川滿目如京洛臺榭侵

雲類廣寒賓主往來俱不遠如棠不比魯侯觀

老來憂患苦無端一笑相逢強自寬詩律頻調代音樂壽

觴滿引當仙丹二山坐對事非偶

二山一名朋山與賤名偶同

三徑思

歸盟不寒出岫白雲知幾許榭中矯首共遐觀

知宗卽席和端字韻三首提舶退卽足之予第三詩

經方和錄呈二丈

毫禿山中硯滌端社中詩令不容寬難追老杜風騷手徒  
費昌黎點勘丹搜我枯腸鬚鬢皓吟公佳句齒牙寒自慙  
淺陋如曹鄴季子觀風定不觀

送薛士昭

相逢一笑尉衰遲問政論交兩不疑直諒多聞三益友清  
新俊逸百篇詩爪猶未及去何速橘已成懷喜可知一薛  
居州非易得危言行見造朝時

記得祥符識面時回頭二十二年非羨君學似川方至顧  
我身如鳥倦飛老境天教重會合異鄉心最惜分違雁山  
親舊如同問征鴈歸時我亦歸



十日同知宗提舶游九日山延福寺

十日同游九日山山中好處暑躋攀桑田改變松猶在車  
馬往來心自閑昨日風應吹紫帽今朝菊已帶衰顏登臨  
稱愜南來意好逐飛飛倦鳥還

知宗柑詩用韻頗險予既和之復取所未用之韻續  
賦一首三十韻

書閱揚州貢功觀禹化覃香苞分橘柚秋色動江潭

李德裕橘

賦動江潭破暑花凝雪凌寒葉染藍金衣愛日照

唐宰相賀柑子

表云綠蒂含珠寶碧波涵

柳子厚詩何人摘實見垂珠

未上諸侯計曾

聞四皓談顏歡陸績母業世李衡男送客愈吟桂

韓退之送桂州

嚴大夫詩云記時坡詠儋

東坡在儋耳詩一年好處洞庭君須記正是橙黃橘綠時

家自種黃柑

夸浙右溫郡冠江南節物清霜重家山綠帶含青黃出籬

落朱綠耀林嵐

柳子厚詩密林耀朱綠披詞竹離茅舍出青黃

昔貢千金顆遙馳

萬里函

宣政間溫州貢甘每顆直一二千

新宜薦寢廟香可供瞿曇夔子

那能比羅浮未許叅

予往在夔府食黃柑味頗佳然不及溫柑遠甚去冬至泉州始食羅浮甘

又遠不

何人傳黃陸端類列非聃在品寧為四

季直方第果實名甘

子第

蒙恩或賜三

李德裕賦序上賜宰臣等朱橘各三枚

鄉情寄初孰旅况

憶幽揆嘉拜親開合珍藏淨洗甌

甌瓦器也新柑貯以瓦器則久而不爛

行

將解印綬歸種當田蠶根向橫陽覓

溫甘以平陽縣泥山為最泥尋片

鹵信

種甘宜鹹也

荒蕪耘徑艸封植伴溪枏不用千頭富聊資

一餉湛茅齋闢杜甫仙井汲蘓耽

神仙蘓耽鑿井種桔

佳境妙餐蔗

閑庭勝時并

昔甘艸也醫家謂之國老柳子厚詩時藥閑庭延國老

雁行三峽荔枝奴

視四明蚶欲繼花爲譜

歐陽作牡丹譜

應同柳駐驂

歐陽柳詩攀條莫惜駐征

駢

禦偷離著棘愁凍灌添泔

泔米汁也鄉人冬月用以灌柑

掩映青雲葉

光華碧玉簪釀成浮甕蟻蒸辟蠹書蟬

甘橘花蒸以爲香可辟衣書之蠹

護帶期存乳

甘欲致遠必以蠟塗其帶

留皮欲去痰

皮能下氣醫家用以治痰

親可遺忪慘白岩菴

### 次韻吳明可見寄

閭楚相望天一涯思公不見見公詩遙知人在凝香處正

是梅逢驛使時紫帽清源游已倦落霞孤鶩看無期他年

杖屨天台去采藥尋桃薦壽卮

臘月二十八日與知宗提舉分歲郡中啜茶於北樓

賞梅於忠獻堂知宗卽席有詩次韻并簡提舉

老病踰年卧晉江，耽詩性癖未能降。園林牢落梅經眼，歲月崢嶸酒滿缸。堂上焚香敬勳德，樓頭回首念家鄉。黃甘未拜蕭高賜，鄉味分珍謾一雙。

時得溫甘各分二顆

次韻表叔賈元範見寄

記得公歸自汴京，瞭然目爲小生青。行能致遠由推轂，到卽成渠荷建瓴。松柏歲寒知節操，芝蘭室邇化芬馨。白圭三復成陳迹，感德傷懷涕泗零。

某受知於公妻以兄女，今有悼亡之戚，故云。

郡齋夜坐聞水車聲

風伯吹雲不成雨，稼穡如焚誰守土。鈴齋夜聞水車聲，遙想田間老農苦。汗流氣喘饑眼花，厭聞窟中鼃打衙。妻兒相勞勿愁嘆，多少高田無水車。

次韻傳教授景仁馬綠荔支

玉座奇包未與頒，伏波家果忽堆盤。  
宜書蔡譜均稱綠，不比韓詩止詠丹。  
薦李徒誇碧實脆，嚼瓜未覺水晶寒。  
羨君衫鬢巧相似，我坐郡廳慙素餐。

泉州廳事號荔支廳

再次韻

兩載閩南白盡頒，驚看異品上杯盤。  
發緘初訝囊非絳，壁實猶疑頰未丹。  
較美宜同法石白，攪先欲占麥秋寒。  
荔支詞云五嶺麥秋寒荔子初丹馬綠比諸荔稍早廣文詩句篇篇好，咀嚼令人欲廢餐。

三次韻

荔子新詩屢見頒，端同玉局賦金盤。  
坡詞玉座金盤不貢奇包四五年包盡帶賜袍綠熟，顆半含仙竈丹。  
西蜀稍多應喜遠，盧戎多綠

荔東嘉可種似宜寒東嘉無荔枝有種而生者疑其不熟久而自脫乃綠荔枝微酸好入鹽梅鼎莫作尋常百果餐

貢院落成分韻得兩字

官舍苦炎熱貢闈快虛敞急呼玉友生閑共同僚賞堂成桂植萬堤就池分兩蓮開花並蒂荔擘珠在掌詩句聽細論塵襟發清爽行矣北歸翁山林起遙想

贈李宜之運幹

註

謫仙苗裔自非凡家學端能嗣大參一見便知空冀北三年長嘆滯周南宜之家食甚久絕畦翰墨僕騷可請試言詞倚馬堪莫道南來橐無寶一編傳得小雲龕

宋十五家詩選

東海 陳 訐 輯

朱 熹

字元晦一字仲晦徽州婺源人  
中紹興進士

第暨事高孝光寧四朝仕至轉運副使崇政  
殿說書煥章待制致仕卒登第五十年仕於  
外者數九考立制幾四十日封事屢上旋仕  
族已極臣韓侂胄輩先後柄政攻偽學日急  
日與諸生講學不休知南康時建復白鹿洞  
書院遊武夷乘精舍論道其中所至生徒雲  
集小入目之為偽黨為逆黨或勸其謝遣生  
徒不顧也嘉泰間賜諡曰文淳祐  
初詔從祀廟廷詩文有朱子全集  
吳壽昌云先生每觀一木一石一卉一木稍  
清陰處竟日日不瞬飲酒不過兩三行又移  
一處大醉則跌坐高拱微醺則吟哦古文氣  
調清壯每愛讀屈原離騷孔明出師表陶淵  
明歸去來辭并杜  
子美數詩而已  
朱子詩高秀絕倫如峨眉山天半不可攀躋至  
其英華發外又覺光風霽月粹然有道之清

朱子詩選

一

一

千載下可想  
其胸次也

對雨

虛堂一遊囑驟雨滿空至的  
蝶散方塘冥濛結雲氣勢逐  
風威亂望窮山景翳烟靄集  
林端蒼茫欲無際涼風襲輕  
裾炎氛起秋思對此景淒淒  
還增冲澹意

聞琴作

瑤琴清露後寥亮發牕間韻  
逐回風遠情隨玄夜闌端居  
獨無寐林扉空掩關起望星  
河落哀絃方能彈

讀道書作六首

巖居秉貞操所慕在玄虛清  
夜眠齋宇終朝觀道書形忘  
氣自冲性達理不餘於道雖  
未庶已超名跡拘至樂在襟



懷山水非所娛寄詔狂馳子營營竟焉如

失志墮塵網浩思屬滄洲靈芝不可得歲月逐江流碧艸  
晚未凋悲屈軼已秋仰首鸞鶴期白雲但悠悠  
白露墜秋節碧陰生夕涼起步廣庭內仰見天蒼蒼束華  
綠髮翁授我不死方願言勤修學按景三玄鄉

四山起秋雲白日照長道西風何蕭索極目但烟艸不學  
飛仙術日日成醜老空瞻王子喬吹笙碧天杪

鬱羅聲空上青冥風露淒聊乘白玉鸞上與九霄期激烈  
玉簫聲天矯餐霞姿一回流星盼千載空相思

王喬吹笙去列子御風還至人絕華念出入有無間千載  
但聞名不見米玉顏長嘯空宇碧何許蓬萊山

秋雨

一雨散林表清陰生廣庭喜茲新秋夜起向高齋行煩歎  
獲暫祛涼氛集華纓沉沉遼林氣愜此端居情節物坐如  
此撫世襟方盈歸當息華念超遙悟無生

秋夕懷子厚二首

雨歇林氣爽月華湛遙暉齋居玩物變廓落淅洲期焚香  
散碧虛撫節陳清詩抗志屬雲端非君諒誰知  
涼氣沉齋宇夕陰未渠央寒栖屬遲夜長簾卷單牀浮雲  
蔽中天愁霖隔秋應思君一晤對耿耿何能忘

月夜述懷

皓月出林表照此秋牀單幽人起晤嘆桂

發牕間高梧

滴露鳴散髮天風寒抗志絕塵氛何不棲空山

卽事偶賦

白烟竟日起雨晦蒼山淡老菊不復妍丹楓滿高林抱病  
寢齋房牕戶結愁陰起望一舒情遐眺豁煩襟人生亦已  
勞世路方崎嶇且詠招隱作無爲名迹侵

冬日二首

蕭索時序晚已復度高秋回澗白波起通川絳樹稠晨風  
散清霜嘉稻卷平時獨懷志士感歲事幸將休

清霜染澗樹蕭瑟向嚴冬密雨有時集寒雲無定容波明  
橫瀨出風急遠林空一極牕間眺高旻蟲亂峯

山館觀海棠作二首

景暄林氣淡雨罷寒塘綠置酒此佳辰尋幽慕前躅芳樹  
麗烟華紫絲散清馥當由懷別恨寂寞向空谷

春艸池塘綠忽驚花嶼紅亂英淡淺色芳氣有無中置酒  
賓朋集披襟賞咏同若非摹寫得應逐綵雲空

試院雜詩

寒燈耿欲滅照此一牕幽坐聽秋簷簷響淋浪殊未休  
長廊一遊步愛此方塘淨急雨散遙空圓文滿幽鏡堦空  
綠苔長院僻寒飈勁長歎不逢人超搖得真性

喜晴

衝威動高柳淥水滄微波日照秋空淨雨餘寒艸多放懷  
遺簿領發興託烟蘿忽念故園日東阡時一過

八月十七夜月

忽忽秋逾半清輝萬里同遙知竹林夜共賞碧雲空寂寞  
盈尊酒淒涼滿院風寒塘空自淥不似小園東

夢山中故人

風雨蕭蕭已送愁不堪懷抱更離憂故人只在千巖裏桂  
樹無端一夜秋把袖追歡勞夢寐舉杯相屬暫綢繆覺來  
却是天涯客簷響潺潺瀉未休

南安道中

曉澗淙流急秋山寒氣淡高蟬多遠韻茂樹有餘陰烟火  
居民少荒齋艸露侵悠悠秋稼晚寥落歲寒心

九日

故國音書阻一方天涯此日思茫茫風烟歲晚添離恨湖  
海尊前卽大荒薄宦驅人向愁悴舊遊惟我最顛狂細思  
萬石亭前事羣負黃花滿帽香

督役城樓

天高無遊氣林景澹餘暉感此霜露節但傷風土非季秋  
時序溫百卉不復腓秭役郊原上暄風一吹衣仕身諒無  
補課督慙餓廡還憶故園日策杖川中歸

晚望

禾黍彌平野淒涼故國秋清霜凝碧樹落日翳層丘覽物  
知時變爲農覺歲邁不堪從吏役憔悴欲歸休

民安道中

祗役東原路長風海氣陰蒼茫生遠思惴惴起寒襟午泊  
僧寮靜昏投縣郭溪拙勤終不補誰使漫勞心

西郊縱步

西郊一遊步極目是秋山積水羣峯碧清霜楓樹丹故園  
心不展投策詎能閒且適平生意無令雙鬢斑

懷山田作二首

郊園多所樂況此歲云暮寒色澹遙空清霜變紅樹欲舒  
林表望誰識塵中趣向晚寂無人氤氲欲成霧

冬日

冰溪流已咽陰嶺寒方結忽值早梅春未恐芳心歇的礫  
終自妍殷勤爲誰折千里寄相思相思政愁絕

梅花

夜雨二首

擁衾獨宿聽寒雨聲在荒庭竹樹間萬里故園今夜永遙  
知風雪滿前山

故山風雪淡寒夜只有梅花獨自香此日無人問消息不  
應憔悴損年芳

冬至陰雨

愆陽值歲晏忽復層陰結一雨散霏微千林共騷屑端居  
遺簿領遠意懷幽紫曠慮守微疴殊方感新節豈伊田廬  
念丘壠心摧折還登東嶺岡瞻對何山嶽

安溪書事

清溪流不極夕霧起嵐陰虛邑帶寒水悲風號遠林峭山  
日欲晦窺閣景方沉極目無遺眺空令愁寸心



秋夜歎

秋風淅瀝鳴清商，秋艸未死啼寒蜚。  
幽人幽人起晤歎，仰視河漢天中央。  
河漢西流去不息，人生辛苦何終極。  
蒼山萬疊雲氣淡，去鍊形魂生羽翼。

宿傳舍見月

空堂寒夜月華清，獨宿淒涼夢不成。  
欲向堦前舞凌亂，手持杯酒爲誰傾。

寄諸同寮

把酒江頭烟雨時，遙知江樹已芳菲。  
應憐倦客荒茅裏，落盡梅花未得歸。

雙髻峰

絕壑藤蘿貯翠烟水聲幽咽亂峯前行人但說青山好腸  
斷雲間雙髻仙

涉澗水作

幽谷濺濺小水通細穿危石認行蹤回頭自愛晴嵐好却  
立灘頭數亂峯

知郡傅丈載酒幙被過烹於九日山夜泛小舟弄月  
劇飲二首

扁舟轉空濶烟水浩將平月色中流滿秋聲兩岸生杯淡  
同醉極嘯罷獨魂驚歸去空山黑西南河漢傾  
誰知方外客亦愛酒中仙共踏空林月來尋野渡船醉醒  
非各趣心跡兩忘緣江海情何限秋生蓬鬢邊

題九日山石佛院亂峯軒二首

因依古佛居結屋寒林杪當戶碧峯稠雲烟自昏曉  
巖中老釋子白髮對青山不作看山想秋雲時往還

同僚小集梵天寺坐間雨作已復開辨步至東橋玩  
月賦詩二首

傑閣翔林杪披襟此日閑層雲生薄晚涼雨過空山地迥  
衣裳冷天高澄霽還出門述所適月色滿林關

空山看雨罷微步喜新涼月山澄餘景川明發素光星河  
方耿耿雲樹轉蒼蒼照語達清夜茲懷殊未央

和李伯玉用東坡韻賦梅花

北風日日霾江邨歸夢正爾勞營魂忽逢梅葉臘前破楚

客不愛蘭佩昏尋幽舊識此堂古曳杖偶集僧家園嵐陰  
春物未全到邂逅只有南枝溫冷光自照眼色界雲艷未  
怯扶桑暎遙知雲臺溪上路玉樹十里藏山門自憐座羈  
不得去坐想佳處知難言但哦君詩慰岑寂已似共倒花  
前罇

與諸人用東坡韻共賦梅花適得元履書有懷其人  
因復賦此以寄意焉

羅浮山下黃茅邨蘇仙仙去餘詩魂梅花自入三疊曲至  
今不受蠻烟昏佳名一旦異凡木絕艷千古高名固却憐  
水質不自暖雖有步障難爲溫羞同桃李媚春色敢與葵  
藿爭朝暉歸來只有修竹伴寂歷自掩疎籬門亦知真意

還有在未覺浩氣終難言一杯勸汝吾不淺要汝共保山林罇

和劉抱一

幾年牢落舊邨墟此日翛然水竹居病起試尋春徑艸客來聊煮雪畦蔬開樽細說平生事信手同繙集古書適意何勞一千卷新詩閑出笑談餘

再和

久矣投裝返舊墟不將心事賦閑居荷鉏帶月朝治穢植杖臨風夕挽蔬三逕猶尋陶令宅萬籤聊借鄴侯書木瓜更得瓊琚報吟咏從今樂有餘

梅花開盡不及吟賞感嘆成詩聊貽同好二首

憶昔身無事尋梅只怕遲  
沉吟窺老樹取次折橫枝  
絕艷驚衰鬢餘芳入小詩  
今年何艸艸政爾負幽期

槠儿冰壺在梅梢雪蕊空  
不堪三弄咽誰與一尊同  
鼻觀殘香裏心期昨夢中  
那知北枝北猶有未開叢

觀書有感二首

半畝方塘一鑑開  
天光雲影共徘徊  
問渠那得清如許  
爲有源頭活水來

昨夜江邊春水生  
蒙衝巨艦一毛輕  
向來枉費推移力  
此日中流自在行

次韻彥采病中口占

一榻流年度篝燈  
達夜闌燠衾閑  
自擁清鏡莫頓看  
竹密

初驚雪梅疎却耐寒從今花木夢無復在雕欄

奉陪判院丈充父平父兄宿回向用知郡丈壁間舊  
題之韻

暮雨停驂處僧廬古道邊千峯環傑閣一水下平田行役  
無期度經過幾歲年明朝須飽飯蹣足上寒烟

數日前與判院丈有宋邨之約雪中有懷奉呈判院  
通判二丈

雲垂天闊歲將闌一室脩然獨掩關擁褐不知風折木開  
軒惟見雪漫山玄空杳靄低迷外碧樹龍摠掩映間吟罷  
左思招隱句扁舟無路過長灣

烹伏蒙判院丈垂示用韻喜晴之句率爾奉酬伏乞

笑覽

客枕終難穩歸來舛息淡曉雞回遠夢缺月掛空林永谷  
晨加帽晴牕盡解襟詩筒多妙語仍喜舊盟尋

登梅嶺

去路霜威勁歸程雪意淡往還無幾日景物變千林曉磴  
初移屐寒雲欲滿襟玉梅疎半落猶足慰幽尋

雪意

向晚浮雲四面平北風號怒達天明寒牕一夜清無睡擬  
聽杉篁葉上聲

奉陪彥集充父同遊瑞巖謹次莆田使君留題之韻  
踏破千林黃葉堆林間臺殿鬱崔嵬谷泉噴薄秋逾響山



翠空濛畫不開一壑祇今藏勝槩三生疇昔記曾來解衣  
正作畱連計未許山靈便卻回

伏讀趙清獻公瑞巖畱題感歎之餘追次元韻

趙公名跡此猶微已薦行藏第一機直自當年畱翰墨至

今窮谷尚光輝時清諫疏空遺藁歲晚高齋自掩扉

高齋公晚

年所居每夕獨處一室使人徧其外云

珍重九原如可作問渠何處是真歸

夏日齋居得潮州詩卷咏歎之餘用卒章之韻以紀  
其事

孟夏氣淑清牕戶有佳色卧聞幽篳篥轉覺林景寂參差  
帙委素縹緲香橫碧啜菽有餘歡纓冠非所職故人海邊  
郡妙語寄遠翼咏嘆不得聞超然見胸臆

丁丑冬在溫陵陪敦宗李文與一二道人同和東坡  
惠州梅花詩皆一再往反昨日見梅追省前事忽忽  
五年舊詩不復可記憶再和一篇呈諸友兄一笑同  
賦

江梅欲破江南邨無人解與招芳魂朔雲爲斷蜂蝶信凍  
雨一洗烟塵昏天憐絕艷世無匹故遣寂寞依山園自欣  
羌笛娛夜永未暇鄒律回春溫連娟窺水墮殘月的礫泣  
露晞晨暾海山清遊記玉而衰病此日空柴門相逢不敢  
話疇昔能賦豈必皆陳言雕鐫肝腎竟何益况復制酒哦  
空樽

夏日二首

端居倦時暑竟日掩柴門  
牕風遠颺至竹樹清陰繁  
靜有圖史樂寂無車馬喧  
茲焉愜所向難與世人論

季夏園木暗牕戶貯清陰  
長風一捲苒衆綠何蕭慘  
玩此消永晝冷然豁幽襟  
俯仰無所爲聊復得此心

汲清泉漬奇石置熏爐  
其後香烟被之江山雲物居  
然有萬里趣因作小詩

晴牕出寸碧削影媚中川  
雲氣一吞吐湖江心渺然

家山堂晚照效輞川體作二詩

夕陽浮遠空西峯背殘照  
爽氣轉分明與君共晚眺  
山外夕嵐明山前空翠滴  
日暮無與期閑來岸輕幘

卽事有懷寄彥輔仲宗二兄二首

一水方涵碧，千林已變紅。農收爭暖日，老病怯高風。徙倚  
非無計，心期莫與同。向來歡會處，離合太匆匆。

閒說雙飛槩，翩然下廣津。江湖知子樂，魚鳥諒情親。淹速  
須關命，行藏不繫人。三山雖好在，惜取自由身。

伏讀秀野劉丈閒居詠，謹次高韻，率易拜呈。伏乞痛  
加繩削，是所願望。

秀野

爲憐蘅芷滿芳洲，特地臨江賦遠遊。十畝何妨自春色，萬  
緣從此付東流。靜看朝市真兒戲，須信田園是老謀。出處  
知公有餘裕，未應辛苦謝靈丘。

積芳圃

樂事從茲不易泚朱門還似野人家行看靚艷須攜酒坐  
對清陰只煮茶曉起蒼涼承露晚來光景亂蒸霞平生  
結習今餘幾試數毗那琳上花

舫齋

扁舟容與小房櫓搖颺簾旌蜀錦紅兩岸蒹葭秋色裏一  
川烟浪夕陽中不愁灩澦雙蓬鬢未怯江湖萬里風築室  
水中聊爾爾何須極浦望朱宮

山人方丈

方丈翛然屋數椽檻前流水自清漣蒲團竹几通宵坐掃  
地焚香白晝眠地窄不容揮麈客室空那有散花天箇中  
有句無人薦不是諸方五味禪

曲池軒

去年種竹長新篁  
今歲穿渠過野塘  
自喜軒牕無俗韻  
亦知艸木有真香  
林間急雨生秋思  
水面微風度晚涼  
却厭端居苦無事  
凭欄閑理釣絲長

前韻

題下忌當有梅字

玉立寒烟寂寞濱  
仙姿瀟灑淨無塵  
千林搖落今如許  
一樹橫斜獨可人  
真與雪霜娛晚景  
任從桃柳殿殘春  
綠陰青子明年事  
衆口驚嗟鼎味新

秀野劉丈寄示南昌諸詩和此兩篇

滕王閣下水初生  
聞道登臨復快晴  
帝子詎知陳迹在  
長江肯赴曲池平  
山楹雨罷珠簾捲  
簷鐸風驚玉佩鳴  
滿眼

悲涼今古恨人生辛苦竟何成

知向湖邊弄碧漪欄干三撫漾晴輝流傳妙語驚離濶想  
像清遊欲奮飛公去不應停驛騎我來直欲掛朝衣南州  
高士何由見且看新荷出水稀

次秀野韻

惆悵春餘幾日光從今風雨莫顙狂急呼我輩穿花去未  
覺詩情與道妨羅帶不須吟杜若角弓聊復賦甘棠淋浪  
坐客休辭醉飲罷歸身向九陽

知君久矣厭喧卑造物尊前喚小兒一醕未應裁側弁十  
分聊爾快翻卮治中寂寞凝塵日令尹憂勞退食時正好  
相尋發孤笑莫教牢落負心期

留秀野劉丈二首

好雨當春過一犁我公遠憶故園西孤篷穩轉清難急十里行穿綠樹齊路熟已欣經霧市身輕未怕躡雲梯諸孫刺欲留公住細和新詩巧指迷

一去屏山今幾春歸來三逕但荒榛剪除便覺風烟好徙倚還驚物色新樓外千林遮去路階前一水戀行塵勸君更作留連計同社追遊苦未頻

次秀野滄波館刈麥

傳聞泛宅賀新成破月衝烟取次撐鵲首斜飛寒浪急篷聽側轉好山橫知公興有江湖迥顧我詩無玉雪清欲跨船舷還未敢幾時得伴鏡中行

急本  
作息



次秀野躬耕桑陌舊園之韻二首

郊園早久只多蹊昨夜欣沾雨一犁已辦青鞋隨老圃便  
驅黃犢過溪溪農談剩喜鄉隣近餽具仍教婦子攜指點  
竹寒沙碧處不知何似錦城西

丈人高致邈難干雲夢何如胸次寬老去未妨詩律在人  
來只怕酒盃乾故開麥隴供家釀更有蘭章付客看下走  
才慙慙屬和願公物色稍留殘

又和秀野

江皋晴日麗芳華翠竹疎疎映白沙路轉忽逢沽酒客眼  
明惟見滿園花望中景助詩人趣物外春歸釋子家向晚  
却尋芳艸徑夕陽流水遶邨斜

次韻雪後書事

未覺春光到柳條  
誰教飛絮倚風搖  
眼驚銀色迷千界  
夢斷彤庭散百僚  
梅塢任從長笛弄  
竹牕閑把短檠挑  
何人剝啄傳清唱  
更喜殘年樂事饒

次秀野春晴山行紀物之句

祇憑詩律作生涯  
到處山林總是家  
便與青尊卧芳艸  
不妨皂蓋拂殘花  
側聞溫詔詢耆艾  
好趁春風入殿衙  
回首能忘舊猿鶴  
一篇聊爾記年華

再用韻題翠壁

孤亭一日盡天涯  
俯瞰烟邨八九家  
翠壁何年懸布水  
綠陰經雨墮危花  
杖藜徙倚凝春望  
覓句淹留到晚衙  
珍重

詩翁莫相惱枯腸攪斷鬢絲華

次韻寄題芙蓉館三首

亂山叢裏有江鄉  
華館清波引興長  
正喜白鷗輕易狎  
忽驚紅妓儼分行  
臨流更好揮椽筆  
倚檻何妨接羽觴  
共說仙翁閑日月  
不因春艸夢池塘

幻成飛閣笑談餘  
便有新荷水面鋪  
指點清波浮菡萏  
驚呼紅影碎毵開  
且將伴侶同杯酒  
不用君王予鏡湖  
多少故交臺閣上  
問渠落拓更能無

不須艇子掉歌來  
且看芙蓉面面開  
卷裏有詩都錦繡  
席間無地可塵埃  
風清月白琴三弄  
綠暗紅深酒一杯  
明日仲宣樓上去  
越吟應是首頻回

葦居二首

丈人高卧碧江頭門掩西風萬木秋  
重喜青山還遶屋却嫌黃葉漸平溝  
開軒且放浮嵐入決水徐通廢圃流  
便覺園林頓蕭爽不妨隨境味玄幽

向來軟掌元非病此日徜徉詎有妨  
自喜登臺閑瘦竹入驚步履響空廊  
高齋雨過新山色曲沼風來舊水光  
千里壯心殊未已不應疎懶與能長

假山焚香作烟雲掬水爲瀑布二首

平地俄驚紫翠堆便應題作小飛來  
爐熏細度巖姿出綫溜遙分壁色開  
獨住但憑南郭几遠避休剪北山萊  
人言造化無私力珍重仙翁挽得回

一簣工夫莫坐談，便教庭際湧千巖。  
眼中水石今成趣，物外烟霞舊所耽。  
泉細寒聲生夜壑，香銷麝燭變晴嵐。  
兒童也識幽棲地，共指南山更近南。

題鄭德輝悠然堂

高人結屋亂雲邊，直面羣峰勢接連。  
車馬不來真避俗，簞瓢可樂便忘年。  
移筇綠嶂成三徑，回首黃塵自一川。  
認得淵明千古意，南山經雨更蒼然。

次王宰立春日大雪韻

是身已分老菟裘，肯爲春回作許愁。  
偶去尋芳朝信馬，却來踏雪夜驅牛。  
銷筵不見小垂手，聯句空慙高結喉。  
更約桃花紅浪暖，却陪履舄上蘭舟。

哭經宗約二首

江國論心地重來感慨多故人今已矣此道竟如何但使窮新得終當訂舊說話言雖永隔吾欲問滄波

行義追前輩孤風凜一生子平婚嫁了元亮去留輕涪萬無歸棹嚴楊有舊盟空令同社客生死痛交情

題米元暉画

楚山直叢叢木落秋雲起向曉一登臺滄江日千里

卜居

卜居屏山下俯仰三十秋終然邨墟近未愜心期幽近聞西山西溪谷開平時蒔茨十數家清川可行舟風俗頗淳樸曠土非難求誓捐三徑資往遂一壑謀伐木南山巔結

廬北山頭耕田東溪岸濯足西溪流朋來卽共懽客去成  
孤遊靜有山水樂而無身世憂著書俟來哲補過希前修  
茲焉畢暮景何必營菟裘

登祝融峰用擇之韻

今年緣底事浪走太無端直以心期遠非貪眼界寬雲山  
於此盡風袂不勝寒孤鳥知人意茫茫去不還

晚霞

日落西南第幾峯斷霞千里抹殘紅上方傑閣憑欄處欲  
盡餘暉怯晚風

贈上封諸老

夜宿上封寺翛然塵慮清月明殘雪裏泉溜隔牕聲楮刻

今如許綈袍那復情爐紅虛室暖聊得話平生

讀林擇之二詩有感

自此後係東歸亂業

荀輿隨望入寒烟每讀君詩輒黯然今夜定知連榻夢一時飛墮錫山前

竹與傲兀聽嘔啞合眼歸心已到家遊子上堂慈母笑豈知行李尚天涯

賦歸雲洞

人生信多患吾道初不窮云何感慨士伏死嵯巖中宜陽古道周數石何嵌空窮幽歷肺腑履坦開房櫳頗疑有時人往昔寄此宮歲月詎云幾非竈無遺蹤我來記清秋歸途渺窮冬興懷重幽討永嘯同長風風回雲氣歸洞口春



漾漾信美非人境  
出門吾欲東

新喻西境

北嶺蒼茫雨欲來  
南山鵬鷺翠成堆  
群杉繞麓千旗卷  
野水涵空一鑑開  
客路情懷元倥傯  
今晨遊眺却徘徊  
自然觸目成佳句  
雲錦無勞更剪裁

道間厭苦泥淖思亟還家  
安坐講習和擇之油字韻  
楚山黃落正離憂  
喜見寒杉卷碧油  
倦客今年真白髮  
羽人何日定丹丘  
奇兵捷出吾當避  
狹路爭先子不猶  
個裏竟能無一語應慙二鳥起相酬

清江道中見梅

今日清江路寒梅第一枝  
不愁風娟娟正奈雪垂垂  
煖熱

惟須酒平章却要詩他年千里夢誰與寄相思

過豐城作

渺渺豐城縣回頭憶舊遊  
晴江羅遠樹宿莽亂中洲  
寶劍今鱗甲神光尚斗牛  
他年還記得此夜一扁舟

野望

登高立馬瞰晴川四面平林捲  
曉烟東望不堪頻極目  
歸心已度鳥飛前

山行兩日至金步復見平川行  
夷路計程七日可到  
家矣

行穿側徑度荒山又踏淺泥過  
野田路轉忽然開遠望  
眼明復見此平川江烟浦樹  
悲重疊楚水聞山喜接連  
稅駕

有期心轉迫稜稜瘦馬不勝鞭

次韻擇之金步喜見大江有作

江頭四望遠峯稠江水中間自在流並岸東行三百里木

源窮處卽吾州

此江發源分木嶺故前詩有楚水關山喜接連之句

次韻別林擇之

暫時相別不須悲楚調淒涼政爾爲幾曲清溪足相送一  
天明月豈曾離上堂嘉慶多爲問綠道風光少賦詩更謝  
同袍二三子夜來幽夢滿清池

九日登天湖以菊花須揀浦頭歸分韻賦詩得歸字  
去歲瀟湘重九時滿城寒雨客思歸故山此日還佳節黃  
菊清罇更晚暉短髮無多休落帽長風不斷且吹衣相看

下視人寰小，祇合從今老翠微。

歸報德再用前韻

幾枝藤竹醉相攜，何處千峰頂上歸。  
正好臨風眺平野，却須入谷避斜暉。  
酒邊泉溜寒侵骨，坐上嵐光翠染衣。  
踏月過橋驚易晚，林垈回首更依依。

和人遊西巖

平生壯志浩無窮，老寄寒泉亂石中。  
閑去披襟弄清泚，靜來合眼聽玲瓏。  
不知澗寺晴時雨，何似溪亭落處風。  
吟罷君詩自瀟灑，此心端不限西東。

次知郡章丈遊山之韻

前峰鸞鶴去無踪，邂逅荒郊得故宮。  
但覺風烟隨意好，便

驚塵土轉頭空提壺命駕幽期遠投簡哦詩妙處同安得  
西山一丸藥共隨簫鼓向雲中

題周氏溪園三首

循澗闢芳園結亭對虛壁澄潭俯幽鑒空翠仰寒滴主人

心事遠妙寄塵埃隔爲功名期而忘此泉石

溪亭

危亭竹柏間悄悄日幽絕朔風一以厲愛此枝上雪仰悲

玄景駛俯歎翠芳歇不用此時來那知歲寒節

雪亭

手種籬間樹枝繁不忍刪新亭最佳處勝日共歡顏景晏

春紅淺雨餘寒翠潛光風回巧笑桃李任漫山

嫣然亭

擇之誦所賦擬呂子進元宵詩因用元韻二首

何處元宵好山房入定僧往來衣上月明暗佛前燈實際

徒勞說空華詎可憑還教知此意妙用一時興  
何處元宵好寒龕獨寐人月牕同皎皎燈鏡自塵塵靜鑒  
通天地潛思妙鬼神却憐迷路子狂走鬧城闔

擇之寄示溪卿倡和烏石南湖佳句輒次原韻三首  
未識南湖景遙欣三子遊賞心并勝日妙語逼清秋賸欲  
攜書卷相將買釣舟微吟歸去晚杜若滿汀洲

平湖渺空闊積水暮生寒但見綠千頃不知淺幾竿人間  
元迫隘世路足艱難若了滄洲趣無勞正眼看

年來年去爲誰忙三伏炎蒸忽變涼悶世漫勞心悄悄懷  
人空得鬢蒼蒼詩篇眼界何終極道學心期未遽央安得  
追尋二三子舞雩風月共徜徉

春雪用韓昌黎韻同彭應之作

既有陽春曲那無白雪謠連天飛不斷著地煖還銷未掩  
高人戶難齊衲子腰稍開銀世界漸長玉枝條興盡愁烟  
艇行迷認野橋酒腸渾欲凍吟筆爲誰搖殘臘成三白餘  
寒又一朝香隨梅蕊落輕伴柳花飄神女羞捐佩鮫人敢  
獻綃東皇應好事避舍亦相饒

與劉德明祝濟之胡子寬晚步偶成

雨罷寒逾勁霜威正凜然不知荒徑溼行到野橋邊曠望  
情何極徘徊意莫傳清波涵衆影日落暗晴川

次韻畫寒

行穿危磴盡林表見孤亭澗瀉千尋白峯回四面青塵深

元落落風腋白泠泠一醉今何許無心賦獨醒

遊密庵分韻賦詩得還字

我行得佳友勝日尋名山春山旣妍秀清溪亦潺湲行行  
造禪扉小憩腰腳頑窮揆意未已理策重躋攀入谷翳蒙  
密俯澗隨泓轆誰將百尺綯掛此長林間雄聲殷地厚洪  
源瀉天怪偉哉奇特觀償此一日閑所恨境過清悄恰暮  
當還顧步三歎息人生何苦艱

圭父約爲金斗之遊次韻獻疑聊發一笑

幾日春風未破寒遠峰晴露玉巔旣不成蠟屐攜筇去且  
復鉤輿拄頰觀問道追遊當作意故應期日尚能寬陰崖  
凍合無垂鍊却恐詩翁興易闌



宿雲際寺許順之將別以詩求教次韻

薄暮投花縣聯車入翠微長林生缺月永夜照寒扉情話  
欣無斃離懷悵有違勉哉疆毅力千里要同歸

次卜掌書落成白鹿佳句

重營舊館喜初成要共羣賢聽鹿鳴三爵何妨奠蘋藻一  
編詎敢議明誠溪源定白閑中得妙用元從樂處生莫問  
無窮塵外事此心聊與此山盟

白鹿講會次卜丈韻

宮牆蕪沒幾經年祇有寒烟鏤澗泉結屋幸容追舊觀題  
名未許續遺編請爲洞主不報青雲白石聊同趣謂西澗劉公霽月光  
風更別傳謂濂溪夫子珍重個中無限樂諸郎莫苦羨騰騫

再用前韻示諸同遊

幽卧寒巖不記年飽看山月聽風泉  
舒憂正得琴三疊玩意惟憑易一編  
誤落塵中乖夙尚却思洞裏付真傳  
封章倘幸天從欲便解銅符謝繫騫

次韻四十叔父白鹿之作

誅茅結屋想前賢千載遺踪尚宛然  
故作軒牕挹蒼翠要將絃誦答潺湲  
諸郎有志須精學老子無能但欲眠  
多少個中名教樂莫談空諦莫求仙

和彭蠡月夜汎舟落星湖

長占烟波弄明月此心久矣從誰說  
只今一舸漾中流上下天光兩奇絕  
回頭忽見西郭門尚喜蘇仙有遺烈  
問予

何事却回船塵土宛君頭上雪

首句全用蘓養直詩蘓舊居水西門外舟行望見其

處

讀子厚步月詩時方聞呂伯恭訃後數日賦此

晚步曲池上西風吹我裳仰觀天宇闊愛此明月光念我素心人渺焉天一方沒者永乖隔存者爲參商飄零百歲期寂寞幽巖霜還坐三太息高林鬱蒼蒼

遊密庵分韻賦詩得清字

誤落塵中歲序驚歸來猶幸此身輕便將舊友尋山去更喜新詩取意成暖翠乍看渾欲滴寒流重聽不勝清個中有趣無人會琴罷尊空月四更

游密庵得空字

欲覓仙洲路須乘萬里風飲泉雲出岫卧嶺月流空永夜  
渾無寐悲歌莫與同起來殘樹影清絕小樓東

烹伏蒙休齋先生惠詩見留謹次高韻二首

忽驚蕭颯鬢毛秋起向泉山覓舊遊盤谷門前淚沾臆雲  
臺溪上雪蒙頭歸歟吾黨又千里老矣心期但一丘珍重  
休齋書滿屋可無三宿爲君留

望望西山日幾回更憐一雨洗浮埃遠遊莫說雲門寺往  
事聊尋單父臺雖犬蕭疎迷洞口交親零落半巖隈尊前  
見在君須闌速上簾輿相逐來

奉酬九日東峰道人溥公見贈之作

幾年回首夢雲關此日重來兩鬢斑點檢梁間新歲月招

呼臺上舊溪山三生漫說終無據萬法由來本自閑一笑  
支郎又相惱新詩不落語言間

次林擇之鳳凰山韻

木落髻鬟擁湖平灘鏡空荒亡餘舊事慘澹只悲風興發  
千山裏詩成一笑中諸君莫惆悵吾道固當窮

次林擇之涼峰韻

解轡林間寺歸鴉晚欲盤望中嵐翠合愁外夕陽殘尊酒  
何妨盡羈心且自寬無端滿牕月遙夜不勝寒

寄題九日山廓然亭

昨遊九日山散髮巖上石仰看天宇近俯歎塵境窄歸來  
今幾時夢想掛蒼壁聞公結茅地恍復記曠昔年隨流水

逝事與浮雲失了知廓然處初不從外得遙憐植杖翁鶴  
骨雙眼碧永歎月明中秋風桂花白

伏承侍郎使君垂示所與少傅國公倡酬西湖佳句  
謹次高韻聊發一笑二首

百年地闢有奇功創見猶驚鶴髮翁共喜安車迎國老更  
傳佳句走鄉童閑來且看潮頭入樂事寧憂酒釐空會見  
台星與卿月交光齊照廣寒宮

越王城下水融融此樂從今與衆同滿眼菱荷方永日轉  
頭禾黍便西風湖光盡處天容闊潮信來時海氣通酬倡  
不謗風物好一心憂國願年豐

送彥集之官瀏陽

急景彫暮節高風振空林病夫掩關卧長齋擁孤衾聞君  
千里行四牡方駸駸重此別離感青天欲愁陰君行豈不  
勞民瘼亦已深催科處處急椎鑿年年侵君行寬彼毗足  
以慰我心薦書會滿篋社酒還同斟所念家同產與君如  
瑟琴茲焉不並駕宰木寒蕭慘尚喜吾諸甥男恭女知欽  
明朝復相憶悵望楚山岑

次劉正之芙蓉韻三首

淺綠淡紅出短籬望中都是可憐枝要看亂颭寒塘水更  
待金風滿意吹

凌波直欲渡橫塘却愛無人獨自芳且倚新漪閑照影更  
憑女伴一扶將

微吟澤畔幾扶筇自笑摧頽一秃翁羞見芙蓉好顏色且  
憑詩律傲西風

三月晦日與諸兄爲其率之約徘徊石馬晚集保福  
偶成短句奉呈聊發一笑

春服明朝換晴川漲綠陰追隨皆勝侶邂逅卽初心社蹟  
莓苔古禪扉竹樹淡移尊真惜日畢景共披襟儉德遵賢  
範哇詞愧雅音清和應更好逸想寄遙岑是日約後會爲仙洲之遊

行視武夷精舍作

神山九折溪沿浦此中半水聲波浪濶浮綠春漠漠武夷溪凡

九曲多急流亂石此第五曲上有蒼石屏百仞聳雄觀巖巖

巖路堪堪突兀倚霄漢此峯夷上削下拔地峭立如屋錯按舊圖名大隱屏淺麓



下紫迴溪林久叢灌胡然闕千載逮此開一旦

峯下小山重覆中有

平地數十丈喬木長蒙茂林修竹交相蔽翳事無人迹乾道己丑于舟過而樂之及今始能卜築以時襲志我

乘新邨船數棹青艸岸榛莽喜誅鉏面勢窮考按居然一

環堵妙處豈輪與左右豔奇峯躊躇極佳玩

方輿始時于以清不能來

至是送別山西始自新邨買舟以來視所縛屋三間制度

殊舛舛然背負大隱屏面直溪南大山左右魏王上昇峯

等石甚爲雄勝是時芳節閑紅綠紛有爛好鳥時一鳴王

孫遠相喚

山多猴暫遊意已愜獨往身猶絆珍重舍瑟人重來足幽伴已約初夏與同志皆往遊集

承事卓丈置酒白雲山居飲餞致政儲丈叔通因出

佳句諸公皆和嘉輒亦繼韻聊發坐中一笑

此題一本作白

雲寺送儲

柯伯升

老去讀書秋樹根山林兒女定誰尊  
偶緣送客來僧寺却似披雲卧石門  
物外祗今成跌蕩人間何處不啾喧  
一杯且爲陽關盡雙目從教別淚昏

東坡賦徐德占舊居有一  
爲兒女流始覺山林尊之

次晦叔寄弟韻二首

聞道君歸湘水東經行長在白雲中  
詩成天柱峰頭月酒醒朱陵洞裏風  
舊學難酬香一瓣流年誰管鬢雙蓬  
書來爲指諸訛處不涉言詮不落空

試上閩山望楚天鴈飛欲斷勢還連  
憑將袖裏數行字與問雲間雙鶴仙  
我望舊遊終有日君歸故里定何年  
祗今千里同心事靜對尊瓢獨唱然

夜

獨宿山房夜氣清一牕涼月共虛明鄰雞未作人聲絕時  
聽高梧滴露鳴

讀十二辰詩卷擬其餘作此聊奉一笑

夜聞空輦齒機鼠號駕麋牛耕廢圃時才虎圈聽豪夸舊  
業逸園嗟莽鹵君看蜚龍卧三冬頭角不與蛇爭雄毀車  
殺馬罷馳逐烹羊酤酒聊從容手種猴桃垂架綠養得鷄  
鷄鳴角角客來犬吠催煮茶不用東家買猪肉

水口行舟二首

昨夜扁舟雨一簑滿江風浪夜如何今朝試捲孤篷看依  
舊青山綠樹多

鬱鬱層巒夾岸青春山綠水去無聲烟波一棹知何許鷓鴣兩山相對鳴

放船二首

浩蕩清江水依稀綠樹風解維春雨外弭櫂夕陽中江艸生新徑巖花點舊叢詩翁不愁思逸興莽何窮

疇昔清溪峽船頭戲採薪十年空往事一夢記前灘陡絕垂蒼壁澄虛列翠巒今宵詩卷裏重得縱遐觀往年泛舟此峽有水鳥數十翔集舟前舟至輒起若相導十餘里乃散